



SAOPŠTENJE ZA JAVNOST

Produžen pritvor Adnanu Kevriću zbog osnovane sumnje u izvršenje krivičnog djela Ubistvo u pokušaju

(Brčko, 07.05.2025. godine)

Na prijedlog Tužilaštva Brčko distrikta BiH, Osnovni sud Brčko distrikta BiH produžio je pritvor Adnanu Kevriću iz Brčko distrikta BiH, zbog postojanja osnovane sumnje da je izvršio krivično djelo Ubistvo u pokušaju.

Osnovni sud Brčko distrikta BiH je Rješenjem od 05.05.2025.godine utvrdio postojanje opštih i posebnih uslova za produženje pritvora Adnanu Kevriću u trajanju od najduže 2 (dva) mjeseca zbog postojanje naročitih okolnosti koje ukazuju da bi osumnjičeni ukoliko bude boravio na slobodi mogao dovršiti pokušano krivično djelo, a za to krivično djelo se može izreći kazna zatvora od 3 (tri) godine ili teža kazna.

Podsjetimo, u večernjim satima dana 06.04.2025.godine u dvorištu porodične kuće u mjestu Brka, Adnan Kevrić je nakon verbalne rasprave sa svojim ocem S.K. sa stola uzeo kuhinjski nož sa crnim plastičnim rukohvatom dužine oštrice oko 20 cm, te istim nasrnuo na oca na način da je oštricom noža zadao mu ubodnu ranu u predjelu stomaka, usljed čega je oštećeni S.K. zadobio teške tjelesne povrede opasne po život i hitno podvrgnut operativnom zahvatu.

U daljem toku postupka, Tužilaštvo će nastaviti poduzimati zakonom propisane istražne mjere i radnje u cilju prikupljanja dovoljnog broja kvalitetnih dokaza i daljeg krivičnog pravnog procesuiranja odgovornog lica.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**